


碧巖錄

卷七八



i 0 0 3

趙列投明須到
龐蘊好雪片片
洞山寒暑到來
木山四解打鼓
趙列七斤布衫
鏡清門外雨聲
雲門答六不收
招度翻却茶鉢
三聖透網金鞋
雲門三三三味

雪峯云是什麼
趙鼎渡驢渡馬
百丈云野鴨子
之門却展兩手
道吾一家吊慰
欽山一鎚破關
趙列云田犀奴
趙列分疎不下
趙列何不示盡
雲門主丈叱

佛果園悟禪師碧巖錄卷第七

垂示云建法幢立宗旨還他本分宗師定龍蛇別維素
須是作家知識劍刃上論殺活棒頭上別機宜則且置
且道獨據寰中事一句作麼生商量試舉看
舉風穴垂語云興雲致雨也要為主為賓若立一塵

我為法王於法自在花簇簇錦簇簇家國興盛不是
他屋裏事不立一塵掃蹤滅跡忘却眼睛和鼻孔失
也家國喪亡一切處光明用家國作什麼全是他家
屋裏事雪竇拈拄杖云須是壁立千仞始得達磨來
也還有同生同死底衲僧麼還我話頭來雖然如是
要平不平之事須於雪竇商量始得若知麼若知許



只如風穴示衆云若立一塵家國興盛不立一塵家國
喪亡且道立一塵即是不立一塵即是到這裏須是大
用現前始得所以道設使言前薦得猶是帶殼迷封直
饒句下精通未免觸途狂見他是臨濟下尊宿直下用
本分草料若立一塵家國興盛野老顰蹙意在立國安
邦須藉諫臣猛將然後麒麟出鳳凰翔乃太平之祥瑞
也他三家村裏人爭知有恁麼事不立一塵家國喪亡
風颭颭地野老爲什麼出來謳歌只爲家國喪亡洞下
謂之轉變處更無佛無衆生無是無非無好無惡絕音
響蹤跡所以道金屑雖貴落眼成醫又云金屑眼中

衣珠法上塵已盡猶不重佛祖是何人七穿八穴神通
妙用不爲奇特到箇裏衲被蒙頭萬事休此時山僧都
不會若更說心說性說玄說妙都用不着何故他家自
有神仙境南泉示衆云黃梅七百高僧盡是會佛法底
人不得他衣鉢唯有盧行者不會佛法所以得他衣鉢
又云三世諸佛不知有狸奴白牯却知有野老或顰蹙
或謳歌且道作麼生會且道他具什麼眼却恁麼須知
野老門前別有條章雪竇雙拈了却拈拄杖云還有同
生同死底衲僧麼當時若有箇漢出來道得一句互爲
賓主免得雪竇這老漢後面自點額
野老從教不展眉 三十里外有箇人 美食不中飽人

奧且圖家國立雄基太平下曲大家知要行即行要
住即住盡乾坤大地是箇歸處明你作麼生立計臣
猛將今何在有麼有麼士曠人稀相逢者少且莫點
曾萬里清風只自知旁若無人教誰掃地也是雲居
羅漢
適來雙提了也這裏却只拈下邊放一邊裁長補短捨
重從輕所以道野老從教不展眉我且圖家國立雄基
謀臣猛將今何在雲實拈拄杖云還有同生同死底衲
僧麼一似道還有謀臣猛將麼一口吞却一切人了也
所以道士曠人稀相逢者少還有相知者麼出來下坑
埋却萬里清風只自知便是雲實點面題也

垂示云以無師智無作妙用以無緣慈作不請勝友
向一句下有殺有活於一機中有縱有擒且道什麼人
曾恁麼來試舉看

舉雲門示眾云乾坤之內士曠人稀六合收不得宇
宙之間休向鬼窟裏作活計蹉過了也中有一寶在
什麼處光生也切忌向鬼窟裏覓祇在形山抄點拈
燈籠向佛殿裏猶可商量將三門來燈籠上雲門大
師是即是不妨請訛猶較些子若子細檢點將來未
免屎臭氣

雲門道乾坤之內宇宙之間中有一寶祇在形山且道
雲明意在釣竿頭意在燈籠上此乃肇法師講藏論數

句雲明拈來示衆肇公時於後秦道遇國道新爲雅摩
經方知莊老未盡其妙肇乃維摩什爲師又參瓦棺寺
跋陀婆羅菩薩從西天二十七祖處傳心印來肇深造
其堂與肇一日遭難臨刑之時乞七日假造寶藏論雲
明便拈論中四句示衆大意云如何以無價之寶隱在
陰界之中論中語皆與宗門說話相符合不見鏡清
問曹山清虛之理畢竟無身時如何山云理即如是事
作麼生清云如理如事山云瞞曹山一人即得爭奈諸
聖眼何清云若無諸聖眼爭知不恁麼山云官不容針
私通車馬所以道乾坤之內宇宙之間中有一寶秘在
形山大意明人人具箇箇圓成雲明便拈來示衆已

是十分現成不可更座主相似與你注解去他恁恁
更與你下注脚道拈燈籠向佛殿裏將三門來燈籠上
且道雲明恁麼道意作麼生不見古人云無明實性即
佛性幻化空身即法身又云即凡心而見佛心形山即
是四大五蘊也中有一寶秘在形山所以道諸佛在心
頭迷人向外求內懷無價寶不識一生休又道佛性堂
堂顯現住相有情難見若悟衆生無我我面何殊佛面
心是本來心面是娘生面劫石可移動箇中無改變有
者只認箇昭昭靈靈爲寶只是不得其用亦不得其妙
所以動轉不得開撥不行古人道強則變弱則通拈燈
籠向佛殿裏若是常情可測度得將三門來燈籠上還

測度得麼雲門與你一時打破清識意思是是非非也雪竇道我愛韶陽新定機一生與人抽釘拔楔又云曲木據位知幾何利刃剪却令人愛他道計龍向佛殿裏這一句已截斷了也又將三門來燈籠上若論此事如擊石火似閃電光雲門道汝若相當去且覓箇入路微塵諸佛在你脚跟下三藏聖教在你舌頭上不如悟去好和尚子莫妄想天是天地是地山是山水是水僧是僧俗是俗良久云與我拈面前按山來看便有僧出問云學人見云是山水是水時如何門云三門為什麼從這裏過恐你死却遂以手劃一劃云識得時是醒醐上味若識不得又毒藥也所以道了了之時無可

了玄玄玄直領河雪竇又拈云乾坤之內宇宙之中有一寶秘在形山掛在壁上達磨九年不敢正眼觀着而今衲僧要九臂脊便棒看住本分宗師終不將實法教人玄沙云羅籠不肯住呼喚不回頭雖然恁麼也是靈龜曳尾雪竇頌云

看看高着眼用看作什麼驪龍玩珠古岸何人把釣竿孤危甚孤危壁立甚壁立賊過後張弓腦後見腮莫與往來雲冉冉打斷始得百面千重寒脂帽子鷲臭布衫水漫漫左之右之前遮後遮明片蘆花君自看看者則瞎若識得雲門語便見雪竇未後魚若識得雲門語便見雪竇為人處他向雲門示眾後面

兩句便與你下箇注脚云看着你便作。瞋眉瞋眼會且
得沒交涉。古人道靈光獨耀。脫殼離塵。靈常不向
文字心性無染。本自圓成。但離妄緣。即如常佛。若只向
瞋眉瞋眼處坐殺。豈能脫得根塵雪竇。道看看雲雨如
在古岸。把釣竿相似雲霞冉冉。水又漫漫。明月映蘆花。
蘆花映明月。正當恁麼時。且道是何境界。若便直下見
得前後只是一句相似。
瞋 抽庚切直視也。
垂示云意路不到正好提撕。言詮不及宜急着眼。若也
電轉星飛。便可透徹。到衆中莫有辨得底麼。試與看
卒 舉南泉一日東西兩堂爭貓兒。不是今日合開也。
場漏道南泉見。提起云道得即不斬。正令當行十

方半斷這老漢。定龍蛇。手脚衆無對。可惜放過。
隊漆桶堪作。成林撰禪和。如麻似粟。泉斬貓兒。
兩段快哉快哉。若不如此。盡是弄泥團。漢賊過後張
弓。已是第三頭。未舉起時好打。

宗師家看他。一動一靜一出入。且道意旨如何。這斬
貓兒話。天下叢林商量浩浩。地有者道提起處。便是有
底道在。斬處且得都沒交涉。地若不提起時。亦匝匝地
作盡道理。殊不知他古人有定乾坤底眼。有定乾坤底
劍。你且道畢竟是誰斬貓兒。只如南泉提起云道得即
不斬。當時忽有又道得。且道南泉所不斬。所以道正令
當行。十方半斷出頭天外看。誰是箇中人。其言當時元

不斬此話亦不在斬與不斬處此事細知如此分明不
在情塵意見上計若向情塵意見上計則辜負南泉去
但向當鋒劍刃上看是有也得無也得不有不無也得
所以古人道窮則變變則通而今人不解變通只管向
語句上走南泉恁麼提起不可教人合下得甚語只要
教人自薦各各自用自知若不恁麼會卒摸索不着雪
竇當頭頌云

兩堂俱是杜禪和親言出親口一句道斷據款結案
撥動煙塵不奈何看你作什麼折合現成公案也有
此字賴得南泉能舉令舉拂子云一似這箇王老師
猶較此字好箇在剛主寶劍用切泥去也一刀兩也

任偏頗百雜碎又有入按佳刀看他作什麼不可
過也便打

頗 普禾切偏也音坡

兩堂俱是杜禪和雪竇不向句下死亦不認驢前馬後
有撥轉處便道撥動煙塵不奈何雪竇與南泉把手共
行一句說了也兩堂首座沒歇頭處到處只管撥動煙
塵奈何不得賴得南泉與他斷這公案收得淨盡他到
柰前不攜杆後不送店所以道賴得南泉能舉令一刀
兩段任偏頗直下一刀兩段更不管有偏頗且道南泉
據什麼令

舉南泉復舉前話問趙州也須是同心同意始得同
道者方知州便脫草鞋於頭上戴出不免拖泥帶水

南泉云子若在却救得貓兒唱拍相問知者少將錯就錯

趙州乃南泉的弟子道頭龜尾舉着便知落處南泉晚間復舉前話問趙州州是老作家便脫草鞋於頭上戴出泉云子若在却救得貓兒且道真箇恁麼不恁麼南泉云道得即不斬如擊石火似閃電光趙州便脫草鞋於頭上戴出他參活句不參死句日日新時時新千聖移易一絲毫不得須是運出自己家珍方見他全機太用他道我爲法主不法自在人多錯會道趙州權將草鞋作貓兒有者道待他云道得即不斬便戴草鞋出去自是你斬貓兒不手我事且得沒交涉只是弄精覓死不

甲

知古人意如天普蓋似地普擊他父子相投機鋒相合那箇舉頭他便龜尾如今學者不識古人轉處空去意路上下度若要元但去他南泉趙州轉處便見好頌云公案圓來問趙州言猶在耳不消更斬喪車背後懸藥袋長安城裏任閑遊得恁麼快活得恁麼自在信手拈來草不可不教你恁麼去也草鞋頭戴無人會也有一箇半箇別是一家風明頭也合暗頭也合歸到家山即便休脚跟下好與三十棒且道過在什麼處只爲你無風起浪彼此放下只恐不恁麼恁麼也大奇

側六切塞也

蓋克蓋切石聲同音蓋

公案圓來問趙州慶藏主道如人結案相似八棒是八

佛十二是十三已斷了也却拈來問趙州是他屋裏
人會南泉意告他是透徹底人視着磕着便轉具本分
作家眼腦纔聞舉着別起便行雪竇道長安城裏任閑
遊漏逗不少古人道長安雖樂不是久居又云長安甚
開我國晏然也須是識機宜別休各始得草鞋頭戴無
人會戴草鞋處這些子雖無許多事所以道唯我能知
唯我能證方見得南泉趙州雪竇同得同用處且道而
今作麼生會歸到家山即便休什麼處是家山他若不
會必不恁麼道地既會且道家山在什麼處便打
垂示云無相而形充十虛而方廣無心而應徧刹海而
不煩舉上明三目機鋒兩直得棒如雨點喝似雷奔也

未當得向上人行處在且道作麼生是向上人事試看
舉外道問佛不問有言不問無言雖然如是屋裏人

也有此子香氣雙劍倚空飛賴是不問世尊良久莫
謗世尊其聲如雷坐者立者皆動他不得外道讚歎
云世尊大慈大悲開我迷雲令我得入伶俐漢下撥
便轉盤裏明珠外道去後阿難問佛外道有何所證
而言得入不妨令人疑着也要大家知細細着生鐵
佛云如世良馬見鞭影而行且道喚什麼作鞭影打
一拂子棒頭有眼明如日要識真金火裏看拾得口

喫飯

此事若在言句上三三乘十二分教豈是無言句或道無

言便是又何消祖師西來作什麼只如從上來許多公案畢竟如何見其下落這一則公案話會者不少有底喚作良久有底喚作據坐有底喚作默然不對且喜沒交涉幾曾摸索得着來此事其實不在言句上亦不離言句中若稍有擬議則千里萬里去也看他外道省悟後方知亦不在此亦不在彼亦不在是亦不在不是且道是箇什麼天衣懷和尚頌云維摩不默不良久據坐商量成過咎吹毛匣裏冷光寒外道天魔皆拱手百丈常和尚參法眼眼令看此話法眼一日問你看什麼因緣常云外道問佛話眼云你試舉看常擬開口眼云住住你擬向良久處會那常於言下忽然大悟後示眾云

百丈有三訣喫茶珍重歇擬議更思量知君猶未徹翠巖真點曾拈云六合九有青黃赤白一一交羅外道會四維陀典論自云我是一切智人在處索人論議他致問端要半斷釋迦老子舌頭世尊不費纖毫氣力他便省去讚歎云世尊大慈大悲開我迷雲令我得入且道作麼生是大慈大悲處世尊隻眼通三象外道雙眸貫五天鴻山哲拈云外道懷藏寶鏡世尊親為高提林羅顯發萬象歷然且畢竟外道悟箇什麼如趙狗通牆至極則無路處他須回來便乃活鱗鱗地若計較是非一時放下情盡見除自然徹底分明外道去後阿難問佛云外道有何所證而言得入佛云如世良馬見鞭影

而行後來諸方便道又被風吹別調中又云龍頭蛇尾
什麼處是世尊鞭影什麼處是見鞭影處雪竇云邪正
不分過由鞭影真如云阿難金鐘再擊四衆共聞雖然
如是大似二龍爭珠長他智者威權雪竇頌云
機輪曾未轉在這裏果然不動一絲毫轉必兩頭走
不落有必落無不東則西左眼半斤右眼八兩明鏡
忽臨臺還見釋迦老子麼一機便轉破也破也敗也
敗也當下分妍醜盡大地是箇解脫門好與三十棒
還見釋迦老子麼妍醜分兮迷雲開放一線道許你
有箇轉身處平茶只是箇外道慈明何處生塵埃徧
界不曾藏退後退後連磨來也因思良馬窺鞭影我

有拄杖子不消你與我且道什麼處是鞭影處什麼
處是良馬處千里追風喚得回騎佛殿出三門去也
轉身即錯放過即不可便打喚得回鳴指三下前不
構村後不迭店物拈拄杖子向什麼處去雪竇雷聲
甚大雨點全無

機輪曾未轉轉必兩頭走機乃千聖靈機輪是從本已
來諸人命脉不見古人道千聖靈機不易親能生龍子
莫因循趙州奪得連城壁秦主相如總喪身外道却是
把得住作得主未嘗動着何故他道不問有言不問無
言豈不是全機處世尊會看風使帆應病與藥所以良
父全機提起外道全體會去機輪便阿轉轉地轉亦不

轉向有亦不轉向無不落得失不拘凡聖一邊一時坐
斷世尊纔良久他便禮拜如今人多落在無不然落在
有只管在有無處兩頭走雪竇道明鏡忽臨臺當下分
妍醜這箇不曾動着只消箇良久如明鏡臨臺相似萬
象不能逃其形外道云世尊大慈大悲開我迷雲今
我得入且道是什麼處是外道入處到這裏須是箇箇
自參自究自悟自會如得便於一切處行住坐卧不問
高低一時現成更不移易一絲毫纔作計較有一絲毫
道理即礙塞殺人更無入作分也後面頌世尊大慈大
悲開我迷雲令我得入當下忽然分妍醜妍醜分方迷
雲開慈明何處生塵埃盡大地是世尊大慈大悲門戶

你若透得不消一捏此亦是放開底門戶不見世尊於
三七日中思惟如是事我寧不說法疾入於涅槃因思
良馬窺鞭影千里追風喚得回追風之馬見鞭影而便
過千里教回即回雪竇意賞他道若得後流方可一撥
便轉一喚便回若喚得回便鳴指三下且道是點破是
撒沙

垂示云當機覲面提降虎之機正按傍提布擒賊之略
明合暗合雙放雙收解弄死蛇還佗作者

舉巖頭問僧什麼處來未開口時納敗缺了也穿過
關體要知來處也不難僧云西京來果然一箇小賊
頭云黃巢過後遠收得劍麼平生不曾做草賊不懼

頭落便恁麼問好大膽僧云收得敗也未識轉身處
第廣漢如麻似粟巖頭引頸近前云因也須識機宜
始得陷虎之機是什麼心行僧云師頭落也只見鉗
頭利不見擊頭方識甚好惡着也巖頭呵呵大笑盡
天下衲僧不奈何欺殺天下人尋這老漢頭落處不
得僧後到雪峰依前顛頂懵懂這僧往往十分納敗
缺去峰問什麼處來不可不說來處也要勸過僧云
巖頭來果然納敗缺峰云有何言句舉得不免喫棒
僧舉前話便好趕出雪峰打三十棒趕出雖然斬釘
截鐵因甚只打三十棒拄杖子也未到拄在且未是
本分何故朝打三千暮打八百若不是同參我辨端

研

的雖然如是且道雪峰巖頭落在什麼處

大凡批囊負鉢撥草瞻風也須是具行脚眼始得這僧
眼似流星也被巖頭勘破了一串穿却當時若是箇漢
或殺或活舉着便用這僧却當却道收得似恁麼行
脚問羅老子問你索飯錢在知他踏破多少草鞋直到
雪峰當時若有些子眼筋便解瞥地去豈不快哉這箇
因緣有節用請訛處此事雖然無得失得失甚大雖然
無揀擇到這裏却要具眼揀擇看他龍牙行脚時致箇
問端問德山學人仗鉞鉗劍擬取師頭時如何德山引
頸近前云因龍牙云師頭落也山便歸方丈牙後舉似
洞山洞山云德山當時道什麼牙云他無語洞山云佗

毒

無語則且置。借我德山落底頭來。看牙於言下。太悟。遂
焚香遙望德山禮拜懺悔。有僧傳到德山處。德山云。洞
山老漢不識好惡。這漢死來多少時也。救得有什麼用。
處。這箇公案與龍牙底一般。德山歸方丈。則暗中最妙。
巖頭大笑。他笑中有毒。若有人辨得。天下橫行。這僧當
時若辨得出。千古之下。免得檢責於巖頭門下。已是一
場踉蹌。過看他雪峯老人是同參。便知落處也不與他說
破。只打三十棒。趕出院。可謂光前絕後。這箇是拈作家
衲僧鼻孔。爲人底手段。更不與他如之若何。教他自悟
去。本分宗師爲人。有時籠罩。不教伊出頭。有時放令死
郎當地。却須看出身處。太大小。大巖頭雪峯倒被箇喫飯

禪和勘破。只如巖頭道。黃巢過後。還收得劍麼。諸人且
道。這裏合下得什麼語。免得他笑。又免得雪峯行棒。趕
出這裏。諸訛。若不曾親證親悟。縱使口頭快利。至究竟
透脫生死。不得。山僧尋常教人。覷這機關轉處。若擬議
則遠之遠矣。不見投子問鹽平僧云。黃巢過後。收得劍
麼。僧以手指地。投子云。三十年弄馬騎。今日却被驢子
撲着。這僧也不妨。是箇作家也。不道收得。也不道收不
得。與西京僧如隔海在。真如拈云。他古人一箇做頭。
箇做尾。定也。雪竇頌云。

黃巢過後。曾收劍。孟介郎漢有什麼用處。只是錫刀
子。一口大笑。還應作者知。一子親得。能有幾箇。不是

渠儂爭得自由三十山藤且輕起同條生同條死朝
三千暮八百東家人死西家人助哀却與救得活得
便宜是落便宜據款結案悔不償當初也有此子
黃巢過後曾收劍大笑還應作者知雪竇使領這僧與
巖頭大笑處這箇此子天下人摸索不着且道他笑箇
什麼須是作家方知這笑中有權有實有照有用有殺
有活三十山藤且輕起這僧後到雪峰面前這僧依
舊春鹵峰便據令而行打三十棒趕出且道爲什麼却
如此你要盡情會這話麼得便宜是落便宜
本舉梁武帝請傳大士講金剛經達磨兄弟來也魚行
酒肆即不無袖僧門下即不可這老漢老老大大作

這般去就大士便於座上揮案一下便下座直得
星迸散似則似是則未是不煩手葛藤武帝愕然兩
面三度被人瞞也教他摸索不着誌公問陛下還會
麼寶鑑不黨情那膊不向外也好與三十棒帝云不
會可惜許誌公云大士講經竟也須逐出國始得當
時和誌公一時與趕出國始是作家兩箇漢同坑無
異士

梁高祖武帝蕭氏諱衍字叔達立功業以至受齊禪即
位後別註五經講議奉黃老其篤而性至孝一日思得
出世之法以報劬勞於是捨道事佛遇受菩薩戒於婁
約法師處披袈裟自講放光般若經以報父母時誌公

公大士以顯異感衆繫於獄中誌公乃分身遊化城邑
帝一日知之感悟極推重之誌公數行遊護隱顯逮不
可測時齊州有大士者居雲黃山手栽二樹謂之雙林
自稱當來善慧大士一日修書命弟子上表聞於帝時
朝廷以其無君臣之禮不受傳大士將入金陵城中賣
魚時武帝或請誌公講金剛經誌公曰貧道不能講市
中有傳大士者能講此經帝下詔召之入禁中傳大士
既至於講座上揮案一下便下座當時便與推轉免見
一場狼籍却被誌公云陛下還會麼帝云不會誌公云
大士講經竟也是一人作頭一人作尾誌公於座道還
夢見傳大士麼一等是弄精魂這箇就中奇特雖是死

蛇解弄也活既是講經爲甚却不大分爲二一如尋常
座主道金剛之體堅固物物不能壞利用故能摧萬物
如此講說方喚作講經雖然如是諸人殊不知傳大士
只拈向上關挨子畧露鋒銚教人知落處直截與你壁
立萬仞恰好被誌公不識好惡却云大士講經竟正是
好心不得好報如美酒一盞却被誌公以水攪過如一
金羹被誌公將一顆屎糞汚了且道既不是講經畢竟
喚作什麼頌云

不向雙林寄此身只爲他扣不住屢裏豈可藏鋒却
於梁土惹埃塵若不入草爭見端的不風流處也風
流當時不得誌公老作賊不須本有率伴底賴兒也

是栖栖去國人正好一狀領過便打

不向雙林寄此身却於梁土惹埃塵傳大士與沒板齒
老漢一般相逢達磨初到金陵見武帝帝問如何是聖
諦第一義磨云廓然無聖帝云對朕者誰磨云不識帝
不契遂渡江至魏武帝舉問誌公公云陛下還識此人
否帝云不識誌公云此是觀音大士傳佛心印帝悔遂
遣使去取誌公云莫道陛下發使去取合國人去他亦
不回所以雪竇道當時不得誌公老也是栖栖去國人
當時若不是誌公爲傳大士出氣也須是趕出國去誌
公既饒舌武帝却被他熱瞞丁上雪竇本意道不須他
來梁土講經揮案所以道何不向雙林寄此身喫粥喫

栖作棲

飯隨分過時却來梁土惹麼指注揮案一下便下座便
是他惹埃塵處既是要殊勝則目視雲霄上不見有佛
下不見有衆生若論出世邊事不免夾頭土面將無作
有將有作無將是作非將幾作細魚行酒肆橫拈倒用
教一切人明此箇事若不恁麼放行直到彌勒下生也
無一箇半箇傳大士既是拖泥帶水賴是有知音若不
得誌公老幾平提出國了且道即今在什麼處
垂示云掀天闢地軸搖虎兕辨龍蛇須是箇活鱗鱗
漢始得句句相投機機相應且從上來什麼人合恁麼
請舉看

舉仰山問三聖汝名什麼名實相奪破家聖云

惠寂半斷舌頭攬旗奪鼓仰山云惠寂是我各自守
 却疆聖云我名惠然聞市裏奪去彼此却求本分仰
 山呵呵大笑可謂是箇時節錦上鋪花天下人不知
 落處何故土曠人稀相逢者少一似巖頭笑又非巖
 頭笑一等是笑爲什麼却作兩段具眼者始定當看
 三聖是臨濟下尊宿少具出羣作略有大機有大用在
 衆中昂昂藏藏名聞諸方後舜臨濟徧遊淮海到處叢
 林皆以高賓待之自向北至南方先造雪峯便問透網
 金鱗未審以何爲食峯云待汝出網來即向汝道聖云
 一千五百人善知識話頭也不識峯云老僧住持事繁
 峯往寺莊路逢獼猴乃云這獼猴各各佩一面古鏡聖

云歷劫無名何以彰爲古鏡峯云瓊生也聖云一千五
 百人善知識話頭也不識峯云罪過老僧住持事繁後
 至仰山極愛其俊利待之於明窓下一日有官人來
 參仰山山問官居何位云推官山豎起拂子云還推得
 這箇麼官人無語衆人下語俱不契仰山意時三聖病
 在延壽堂仰山令侍者持此語問之聖云和尚有事也
 再令侍者問未審有什麼事聖云再犯不容仰山深告
 之百丈當時以禪板蒲團付黃蘗拄杖拂子付鴻山鴻
 山後住仰山仰山既大肯三聖聖一日辭去仰山以拄
 杖拂子付三聖聖云某甲已有師仰山詰其由乃臨濟
 的子也只如仰山問三聖汝名什麼佗不可不知其名

何故更恁麼問所以作家要驗人得知子細只似等閑
問云汝名什麼更道無計較何故三聖不云惠然却道
惠寂看佗具眼漢自然不同三聖恁麼又不是顛了向
擡旗奪鼓意在仰山語外此語不墮常情難為摸索這
般漢手段却活得人所以道佗參活句不參死句若順
常情則人不得看佗古人念道如此用盡精神始能
大悟既悟了用時還同未悟時人相似隨分一言半句
不得落常情三聖知佗仰山落處便向佗道我名惠寂
仰山要收三聖三聖倒收仰山仰山只得就身打劫道
惠寂是我是放行處三聖云我名惠然亦是放行所以
雪竇後面頌云雙收雙放若爲宗只一句內一時領了

仰山呵呵大笑也有權有實也有照有用爲佗八面玲
瓏所以用處得大自在這箇笑與巖頭笑不同巖頭笑
有毒藥這箇笑千古萬古清風凜凜地雪竇頌云

雙收雙放若爲宗知他有幾人八面玲瓏將謂真箇
有恁麼事騎虎由來要絕功若不是頂門上有眼肘
臂下有符箒得到這裏騎則不妨只恐你下不得不
是恁麼人爭明恁麼事笑罷不知何處去盡四古軍
州覓恁麼人也難得言猶在耳千古萬古有清風只
應千古動悲風如今在什麼處咄既是大笑爲什麼
却動悲風大地黑漫漫
雙收雙放若爲宗放行互爲賓主仰山云汝名什麼聖

云我名惠寂是雙放仰山云惠寂是我王云我名惠然
是雙收其實互換之機收則大家收放則大家放重
實一時領盡了也他意道若不放收若不互換你是你
我是我都求只四箇字因其却於裏頭出沒卷舒古人
道你若立我便坐你若坐我便立若也同坐同立二俱
瞎漢此是雙收雙放可以爲宗要騎虎由來要絕功有
如此之高風最上之機要騎便騎要下便下據虎頭
亦得收虎尾亦得三聖仰山二俱有此之風笑罷不知
何處去且道他笑箇什麼直得清風凜凜爲什麼末後
却道只應千古動悲風也是死而不吊一時與你注解
了也爭奈天下人啗啄不厭不知落處纔是山僧也不

收放

知落處諸人還知麼

垂示云無啗啄處祖師心印狀如鐵牛之機透荆棘林
衲僧家如紅爐上一點雪平地上七穿八穴則且止不

落寅緣又作麼生試舉看

公舉南泉歸宗麻谷同去禮拜忠國師至中路三人同

行必有我師有什麼奇特也要辨端的南泉於地上

畫一圓相云道得即去無風起浪也要人知擲却陸

沉船若不驗過爭辨端的歸宗於圓相中坐一人打

鑼同道方知麻谷便作女人拜一人打鼓三箇也得

東云恁麼則不去也半路轉身是好人好一場曲調

作家作家歸宗云是什麼心行賴得識破當時好與

一掌孟八郎漢

當時馬祖盛化於江西石頭道行於湖湘忠國師道化
於長安他親見六祖來是時南方望風慕道者無有不
欲升其堂入其室若不爾爲人所輕這老漢三箇欲去
禮拜忠國師至中路做這一場敗缺南泉云恁麼則不
去也既是一一道得爲什麼却道不去且道古人意作
麼生當時待他道德麼則不去也劈耳便掌着他作什
麼伎倆萬古振綱宗只是這些子機變所以慈明道要
牽只在索頭邊撥着點着便轉如水上的荊葫蘆芋相似
人多喚作不相肯語殊不知此事到極則處須離泥離
水拔楔抽釘你若作心行會則沒交涉古人轉變得好

犯収下

到這裏不得不恁麼須是有殺有活看他一人去圓相
中坐一人作女人拜也甚好南泉云恁麼則不去也歸
宗云是什麼心行孟八郎漢云恁麼去也他恁麼道大
意要驗南泉南泉尋常道喚作如如早是變了也南泉
歸宗麻谷却是丁家裏人丁擒一縱一殺一活不妨奇
持雪竇頌云

由其箭射猿當頭一路誰敢向前觸處得妙未發先
中達樹何太直若不承當爭敢恁麼東西南北丁家
風已周遮多時也千箇與萬箇如麻似粟野狐精一
隊爭奈得南泉何是誰曾中的一箇半箇更沒一箇
一箇也用不得相呼相喚歸去來丁家弄泥團漢不

如歸去。姪却較此子。曹溪路上休登。太勞生想將。
不是曹溪門下客。低低處平之有餘。高高處觀之。
足復云。曹溪路坦平。爲什麼休登陟。不唯南泉半路。
抽身雪竇亦乃半路。抽身好事不如無。雪竇也患這。
般病痛。

由基箭射猿。遶樹何太直。由基乃是楚時人。姓養名叔。
字由基。時楚莊王出獵。見一白猿。使又射之。其猿提箭。
而戲。勅羣臣射之。莫有中者。王遂問羣臣。羣臣奏曰。由
基者善射。遂令射之。由基不發。乃抱樹悲號。至箭
發時。猿遶樹避之。其箭亦遶樹。殺此乃神箭也。雪竇
何故却言太直。若是太直。則不中。既是遶樹。何故却云。

太直雪竇借其意。不妨用得。好。此事出春秋。有者道遶
樹是圓相。若員箇如此。蓋不識師之宗旨。不知太直處。
三箇老漢殊途而同歸。一揆一齊。太直若是識得他去。
處。七縱八橫。不離方寸。百川異流。同歸大海。所以南泉
道。恁麼則不去也。若是衲僧正眼。覷着只是弄精魂。若
喚作弄精魂。却不是弄精魂。五祖先師道。他三人是慧
炬三昧。莊嚴主三昧。雖然如此。作女人拜他。終不作女
人拜會。雖畫圓相。他終不作圓相。會既不恁麼。會又作
麼。生會雪竇道。千箇與萬箇。是誰曾中的。能有幾箇百
發百中。相呼相喚。歸去來。頌南泉道。恁麼則不去也。南
泉從此不去。故云。曹溪路上休登陟。滅却荆棘林雪竇。

把不定復云曹溪路坦平爲什麼休登曹溪路絕塵
絕迹露躑躑赤灑灑平坦坦惘然地爲什麼却休登陟
各自看脚下

垂示云快人一言快馬一鞭萬年一念一念萬年要知
直截未與已前且道未舉已前作麼生摸索請舉看

七舉爲山五峯雲巖同侍立百丈呵呵終始請訛君
向瀟湘我之東魯百丈問爲山併却咽喉吻作麼
生道一將難求爲山云却請和尚道借路經過丈云
我不辭向汝道恐已後貽我兒孫不免老婆心切面
皮厚三寸和泥合水就身打劫

爲山五峯雲巖同侍立百丈百丈問爲山併却咽喉吻

吻作麼生道山云却請和尚道丈云我不辭向汝道恐
已後喪我兒孫百丈雖然如此端子已被別人奪去了
也丈復問五峯雲巖和尚也須併却丈云無又處所額
望汝又問雲巖雲巖和尚有也未丈云喪我兒孫三人
各是一家古人道平地上死人無數過得荆棘林者是
好事所以宗師家以荆棘林驗人何故若於常情句下
驗人不得衲僧家須是句裏呈機言中辨的若是擔板
漢多向句中死却便道併却咽喉吻更無下口處若
是變通底人有逆水之波只向問頭上有一條路不傷
鋒犯手爲山云却請和尚道且道他意作麼生向箇裏
如擊石火似閃電光相似按他問處便答自有世身之

路不費纖毫氣力所以道他參活句不參死句百丈却不來他只云不辭回汝道恐已後喪我兒孫大凡宗師為人抽釘拔楔若是如今人便道此答不肯他不領語殊不知箇裏一路生機處壁立千仞賓主互換活鱗鱗地雪竇說他此語風措死轉自在又能把定封疆所以

頌云

却請和尚道兩蓋乾坤已是傷鋒犯手虎頭生角出
荒草可然驚羣不妨奇特十洲春盡花凋殘觸處清
涼讚歎也不及珊瑚樹林日晏泉千重百匝爭奈百
草頭上尋他不得答處蓋天蓋地

此三人答處各各不同也有壁立千仞也有照用同時

也有自救不了却請和尚道雪竇便向此下句中呈機
了也更就中輕輕投入又易見云虎頭生角出荒草滿
山答處一似猛虎頭上安角有什麼近傍處不見僧問
羅山同生亦同死時如何山云如牛無角僧云同生不
同死時如何山云如虎戴角雪竇只一句頌了也他有
轉變餘才更云十洲春盡花凋殘海上有三山十洲以
百年為一春雪竇語帶風措死轉盤礴春盡之際百千
萬株花一時凋殘獨有珊瑚樹林不解凋落與太陽相
奪其光交映正當恁麼時不妨奇特雪竇用此明佗却
請和尚道十洲皆海外諸國之所附一祖洲出冬鬼查
二瀛洲生芝草玉石泉如酒味三玄洲出僊藥服之長

生四長洲出木王英五炎洲出火泥布六元洲出靈
泉如蜜七生洲有山川無寒暑八鳳麟洲人取鳳喙麟
角煎續弦膠九聚寶洲出獅子銅頭鐵額之獸十檀洲
一作流洲出現吾石作劍切至如泥珊瑚外國雜傳云大秦
西南漲海中可七八百里到珊瑚洲洲底盤石珊瑚生
其石上人以鐵網取之又十洲記云珊瑚生南海底如
樹高三尺有枝無皮似玉而紅潤感月而生凡枝頭
皆有月暈 此一則與八卷首公案同看

佛果園悟禪師碧巖錄卷第七

陽中隱氏
書隱躬拜

佛果園悟禪師碧巖錄卷第八

一舉百丈復問五峰併却咽喉唇吻作麼生道阿呵呵

箭過新羅國筆云和尚也須併却攬旗奪鼓一句截

流萬機寢龍丈云無入處研額望汝土曠人稀相逢

者

此一則與七卷末公案同看

湧山把定封疆五峯截斷眾流這此才要是箇謹當箇

提撥如馬前相撲不容擬議直下使用緊迅危峭不似

湧山盤礴滔滔地如今禪和子只向架下行不能出他

一頭地所以道欲得親切莫將問來問五峯答處當頭

半斷不妨快俊百丈云無入處研額望汝且道是肯他

是不肯他是殺是活見他阿轆轤地只與他一點靈實

頌云

和尚也併却已在言前了截斷衆流龍蛇陣上看謀略須是金牙始解七事隨身慣戰作家令人長憶李將軍妙手無多子不馬單鎗千里萬里千人萬人萬里天邊飛一鷄太衆見麼且道落在什麼處中也打云飛過去也

和尚也併却雪竇於一句中撥一撥云龍蛇陣上看謀略如排兩陣突出突入七縱八橫有闔將底手脚有大謀略底人足馬單鎗向龍蛇陣上出沒自在你作麼生圍繞得他若不是這箇人爭知有如此謀略雪竇此三頌皆就裏頭說出底語如此大似李廣神箭萬里天邊

飛一鷄一箭落一鷄定也更不放過雪竇頌百丈問處如一鷄五峰答處如一箭相似山僧只管讚歎五峰不覺渾身泥水也

二舉百丈又問雲巖併却咽喉吻作麼生道蝦蟇窟裏出來道什麼巖云和尚有也未拙皮着骨拖泥帶水前不欄杆後不絕店丈云喪我兒孫灼然有此答得半前落後

雲巖在百丈二十年作侍者後同道喜至藥山山問云子在百丈會下爲箇什麼事巖云透脫生死山云還透脫也未巖云渠無生死山云二十年在百丈習氣也未除巖辭去見南泉後復歸藥山方契悟看他古人二十

年參究猶自半青半黃粘皮着骨不能穎脫是則也是
只是前不攝村後不送店不見道語離巢曰焉能出
蓋纏白雲橫谷口迷却幾人源洞下謂之觸破故云躍
開仙仗鳳凰樓時人嫌觸當今號所以道荆棘林須是
透過始得若不透過終始涉庫纖斬不斷通來道前不
攝村後不送店雲巖只管去點檢他人底百丈見他如
此一時把來打殺了也雪竇頌云

和尚有也未公案現成隨波逐浪和泥合水金毛獅
子不踞地然有什麼用處可惜許兩兩三三舊路
行併却咽喉唇吻作麼生道轉身吐氣腳跟下蹉過
了也太雄山下空彈指一死更不再活可悲可痛蒼

天中更添愁苦

和尚有也未雪竇據款結案是則是只是金毛獅子爭
柰不踞地獅子投物藏牙伏爪踞地返擲物無大小皆
以全威要全其功雲巖云和尚有也未只是向舊路上
行所以雪竇云百丈向大雄山下空彈指

垂示云夫說法者無說無示其聽法者無聞無得說既
無說無示爭如不說聽既無聞無得爭如不聽而無說
又無聽却較此子只如今諸人聽山僧在這裏說作麼
生免得此過具透關眼者試舉看

三舉僧問馬大師離四句絕百非請師直指某甲西來
意什麼處得這話頭來那裏得這消息馬師云我今

日勞倦不能爲汝說問取智藏去退身三步蹉過也
不知藏身露影不妨是這老漢推過與別人僧問智
藏也須與他一撻蹉過也不知藏云何不問和尚草
裏焦尾太蟲出來也道什麼直得草繩自縛去死十
分僧云和尚教來問受人處分前箭猶輕後箭深藏
云我今日頭痛不能爲汝說問取海兄去不妨是八
十四負善知識一樣患這般病痛僧問海兄轉與別
人抱贖叫屈海云我到這裏却不會不用忉忉從教
千古萬古黑漫漫僧舉似馬太師這僧却有些子眼
晴馬師云藏頭白海頭黑寰中天子勅塞外將軍令
這箇公案山僧舊日在成都參真覺覺云只消着軍祖

第一句自然一時理會得且道這僧是會來問不會來
問此問不妨深遠離四句者有無非有非無非有非
非無離此四句絕其百非只管作道理不識話頭計頭
腦不見若是山僧待馬祖道了也便與展坐真禮三拜
看他作麼生道當時馬祖若見這僧來問離四句絕百
非請師直指某甲西來意以拄杖劈脊便棒趕出看他
省不省馬大師只管與他打葛藤以至這漢當面蹉過
更令去問智藏殊不知馬大師來風深辨這僧懵懂走
去問智藏藏云何不問和尚僧云和尚教來問看他這
此字按着便轉更無閑暇處智藏云我今日頭痛不能
爲汝說得問取海兄去這僧又去問海兄海兄云我到

這裏却不會。且道爲什麼。一人道頭痛。一人云不會。畢竟作麼生。這僧却回來。舉似馬大師。師云。藏頭白。海頭黑。若以解路下。度却謂之相瞞。有者道。只是相推過。有者道。三箇總識他。問頭所以不答。總是拍盲地。一時將古人醍醐上味。着毒藥在裏許。所以馬祖道待汝一口。吸盡西江水。即向汝道。與此公案一般。若會得藏頭白。海頭黑。便會西江水話。這僧將一擔懺懺。換得箇不安樂。更勞他三人尊宿。入泥入水。畢竟這僧不瞥地。雖然一恁麼。這三箇宗師。却被箇擔懺。勘破。如今人只管去語言上作活計。云白是明頭。合黑是暗頭。合只管鑽研計較。殊不知古人一句截斷意根。須是向正脉裏白看。

板

始得穩當。所以道。未後一句。始到牢關。把斷要津。不通凡聖。若論此事。如當開按一口劍。相似擬議。則喪身失命。又道譬如擲劍揮空。莫論及之。不及。但向八面玲瓏處。會取不見。古人道。這漆桶。或云野狐精。或云瞎漢。且道與一棒一喝。是同是別。若知千差萬別。只是一般。自然八面受敵。要會藏頭白。海頭黑。麼。五祖先師道。封后先生雪竇頌云。

藏頭白。海頭黑。半合半開。一手擡。一手擲。金聲玉振。明眼衲僧。會不得。更行脚三十年。終是被入穿却你鼻孔。山僧故是口似匾擔。馬駒踏殺天下人。叢林中。也須是這老漢。始得放出這老漢。臨濟未是白拈賊。

癩兒牽伴直饒好手也被人捉了也離四句絕百非
道什麼也須是自點檢看阿爺似阿爹天上人間唯
我知用我作什麼奪却拄杖子或若無人無我無得
無失將什麼知

藏頭白海頭黑且道意作麼生這此字天下衲僧跳不
出看他雪竇後面合殺得好道直饒是明眼衲僧也會
不得這箇此字消息謂之神仙秘訣父子不傳釋迦老
子說一代時教來後單傳心心印喚作金剛王寶劍喚作
正位怎麼葛藤早是事不獲已古人略露此字鋒銑若
是透得底人便乃一穿八穴得大自在若透不得從前
無悟入處轉說轉遠也馬駒踏殺天下人西天飛着多

羅識達磨云覆且雖闊無別路要假兒孫脚下行金雞
解銜一粒粟供養十方羅漢僧又木祖謂禪和尚曰
後佛法從汝邊去已後出一馬駒踏殺天下人厥後江
西法嗣布於天下時號馬祖焉達磨木祖皆先識馬祖
看他作略果然別只道藏頭白海頭黑便見踏殺天下
人處只這一句黑白語千人萬人咬不破臨濟未是白
拈賊臨濟一日示眾云赤肉團上有一無位真人常向
汝等諸人面門出入未證據者看看時有僧問如何
是無位真人臨濟下禪牀擲住云道道僧無語濟托開
云無位真人是什麼乾屎橛雪峯後聞云臨濟大似白
拈賊雪竇更與他臨濟相見觀馬祖機鋒尤過於臨濟

此正是白拈賊臨濟未是白拈賊也。靈寶一時穿却了也。却須這僧道離四句絕百非。天上人間陰我知且莫向鬼窟裏作活計。古人云問在答處答在問處。早是奇特。你作麼生離得四句絕得百非。靈寶道此豈非我能知直饒三世諸佛也。覷不見既是獨自箇知諸人更上來求箇什麼。太為直如拈云。這僧恁麼問馬祖恁麼答離四句絕百非。智藏海兒都不知要會麼。不見道馬駒踏殺天下人。
楊初九切
垂示云。鎮錫橫按鋒前。剪斷葛藤。策明鏡高懸。句中引。出毗盧印。印地穩密。處着甚喫飯。神通遊戲處如何。湊泊還來。恁麼看取下文。

時舉金牛和尚每至齋時。自將飯桶於僧堂前作舞。呵大笑云。菩薩子。喫飯來。竿頭絲線。過手不犯清波。意自殊。醍醐毒藥。一時行。是則是。七珍八寶。一時羅列。爭奈相逢者少。靈寶云。雖然如此。金牛不是好。心是賊。識賊是精。識精來說是非者。便是是非人。僧問長慶。古人道。菩薩子。喫飯來。意旨如何。不妨疑着。元來不知落處。長慶道。什麼慶云。大似因齋慶讚。相席打令。據款結案。

金牛乃馬祖下尊宿。每至齋時。自將飯桶於僧堂前作舞。呵大笑云。菩薩子。喫飯來。如此者。二十年且道他意在什麼處。若只喚作喫飯尋常。敲魚擊鼓。亦自告報。

矣又何須更自將飯桶來作許多伎倆莫是他真麼莫是提唱建立麼若是提唱此事何不去寶華主座上敲床豎拂須要如此作什麼今人殊不知古人意在言外何不且看祖師當時初來底題目道什麼分明說教外別傳單傳心印古人方便也只教你直截承當去後來人病自卜度便道那裏有許多事寒則向火熱則乘涼飢則喫飯困則打眠若恁麼以常情義解詮註連騰了宗掃土而盡不知古人向二六時中念念不捨要明此事雪竇云雖然如此金牛不是好心只這一句多少人錯會所謂醍醐上味爲世所珍遇斯等人翻成毒藥金牛既是落草爲人雪竇爲什麼道不是好心因什麼

却恁麼道衲僧家須是有生機始得今人不到古人田地只管道見什麼心有什麼佛若作這般解却金牛老作家了也須是子細看始得若只今日明日口快此子無有了期後來長慶上堂僧問古人道菩薩子喫飯來意旨如何慶云大似因齋慶讚尊宿家感煞慈悲漏逗不少是則是因齋慶讚你且道慶讚箇什麼看他雪竇頌云

白雲影裏笑呵呵笑中有刀熱發作什麼天下衲僧不知落處兩手持來付與他豈有恁麼事莫謗金牛好喚作飯桶得麼若是本分衲僧不喫這般茶飯若是金毛獅子子須是他格外始得許他且眼只恐眼

不正三千里外見諸訛不直半文錢一場漏逗諸訛
在什麼處瞎漢

白雲影裏笑呵呵長慶道因齊慶讚靈寶道兩手持來
付與他且道只是與他喫飯爲當別有奇特若回箇裏
知得端的便是箇金毛獅子若是金毛獅子更不
必金牛將飯桶來作舞大笑直向三千里外便知他敗
缺處古人道鑒在機先不消一捏所以衲僧家尋常須
是向格外用始得稱本分宗師若只據語言未免漏逗
垂示云靈峯寶劍常露現前亦能殺人亦能活人在彼
在此同得同失若要提持一任提持若更平展一任平
展且道不落賓主不拘回互時如何談舉看

鋒

碎

舉僧從定州和尚會裏來到烏由烏由問定州公道
何似這裏言中有響要辨淺深探竿影草太煞瞞人

僧云不別死漢中有活底一箇半箇鐵橛子一般踏

着實地田云若不別更轉彼中去便打灼然正令當

行僧云棒頭有眼不得草草打人也見這作家始得

却是獅子兒田云今日打着下箇也又打三下說什

麼一箇千箇萬箇僧便出去元來是屋裏人只得受

屈只是見機而作田云屈棒元來有人喫在啐子喫

苦瓜放去又收來點得回來堪作何用僧轉身云爭

柰杓柄在和尚手裏依前三百六十日却是箇伶俐

衲僧田云汝若要山僧回與汝知他阿誰是君阿誰

是臣取向虎口橫身忒煞不識好惡僧以前奪得手
中棒打田三下也是一箇作家禪客始得賓主互換
縱奪臨時田云屈棒屈棒點這老漢着什麼死急僧
云有人喫在呵呵是幾箇柄柄却在這僧手裏田云
草草打着箇漢不落兩邊知他是阿誰僧便禮拜臨
危不變方是丈夫兒田云和尚却恁麼去也點僧大
笑而出作家禪客天然有在猛虎須得清風隨方知
盡始盡終天下人摸索不着田云消得恁麼消得恁
麼可惜放過何不劈着便棒將謂走到什麼處去
僧從定州和尚會裏來到烏田亦是作家諸人若向
這裏識得此二人一出入千箇萬箇只是一箇作主

也恁麼作賓也恁麼二人畢竟合成一家下期勘辨賓
主問答始終作家看烏田問這僧云定州法道何似這
裏僧便云不別當時若不是烏田難奈這僧何田云若
不別更轉彼中去便打爭奈這僧是作家漢便云棒頭
有眼不得草草打人田一向行令云今日打着箇也
又打三下其僧便出去看他兩箇轉轉地俱是作家
了這了事還要分細素別休各這僧雖出去這公案却
未了烏田始終要驗他實處看他如何這僧却似撐
門柱戶所以未見得他烏田却云屈棒元來有人喫在
這僧要轉身吐氣却不與他爭輕輕轉云垂杓柄在
和尚手裏烏田是頂門具眼底宗師取向猛虎口裏橫

身云汝若要山僧回與汝這漢是箇脚卡右符底漢所
謂見義不為無勇也更不擬議近前奪馬由手中棒打
由三下田云屈棒屈棒你是道意作麼生頭上道屈棒
元來有人喫在及乎到這僧打他却道屈棒屈棒僧云
有人喫在田云草草打着箇漢頭上道草草打着一箇
也到末後自喫棒爲什麼亦道草草打着箇漢當時若
不是這僧卓朔地也不奈他何這僧便禮拜這箇禮拜
最毒也不是好心若不是馬由也識他不破馬由云却
怎麼去也其僧大笑而出馬由云消得恁麼消得恁麼
看他作家相見始終賓主分明斷而能續其實也只是
互換之機他到這裏亦不道有箇互換處自是他古人

絕情塵意想彼此作家亦不道有得有失雖是下期間
話言兩箇活潑潑地都有血脉針線不唯於此見得亦
乃向十二時中歷歷分明其僧便出是雙放已下是雙
收謂之互換也雪竇正恁麼地頌出

呼即易天下人總疑着鼻肉引來蠅天下衲僧總不
知落處遣即難不妨勸絕海上明公秀互換機鋒子
細看一出入二俱作家一條桂枝兩人撻且道在
阿誰邊劫石固來猶可壞袖裏金鎗如何辨取千聖
不傳消息深處立須乾向什麼處安排棒頭有眼獨
許他親得馬由老馬由老可惜許這老漢不識好惡
幾何般也是箇無端漢百千萬重與他均柄太無端

已在言前。合打破蔡州。好與三十棒。道過在什麼處。

呼即易遣。即難下等。是落草。靈寶武敏。慈悲尋常道。呼蛇易遣。蛇難如今。將箇瓢子吹來。喚蛇即易。要遣時即難。一似將棒與他。却易復奪他棒。遣去却難。須是有本分。手脚方能遣得他去。烏曰。是作家有呼蛇底手脚。亦有遣蛇底手段。這僧也不是瞞瞞底。烏曰。問定州法道。何似這裏。便是呼他。烏曰。便打。是遣他。僧云。棒頭有眼。不得草草打人。却轉在這僧處。便是呼來。烏曰。云汝若要山僧回與汝。僧便近前奪棒也打三下。却是這僧遣去。乃至這僧大笑而出。烏曰。云消得恁麼消得恁麼。此

分明是遣得他。恰好看他兩箇機鋒。互換絲來線去打。成一片。始終賓主分明。有時主却作賓。有時賓却作主。靈寶也讚歎不及。所以道互換之機。教人且子細看。劫石固來。猶可壞。謂此劫石長四十里。廣八萬四千由旬。厚八萬四千由旬。凡五百年。乃有天人下來。以金鉢衣袖拂一下。又去至五百年。又來。如此拂拂盡。此石乃爲一劫。謂之輕衣拂石。劫靈寶道。劫石固來。猶可壞。石雖堅固。尚爾可消磨盡。此二人機鋒。千古萬古更無有窮。盡滄溟深處。立須乾。任是滄溟洪波浩渺。白浪滔天。若教此二人向內立地。此滄溟也。須乾竭。靈寶到此下時。領了。未後更道。烏曰。老烏曰。老幾何般。或擒或縱。或殺

或活畢竟是幾何般與他杓柄太無端這箇拄杖子三世諸佛也用歷代祖師也用宗師家也用與人抽釘拔楔解粘去縛爭得輕易分付與人雪竈意要獨用賴值這僧當時只與他平展忽若旱地起雷看他如何當抵鳥由過杓柄與人去豈不是太無端
垂示云細如米末冷似米霜高塞乾坤離明絕暗低低處觀之有餘高處平之不足把住放行總在這裏許還有出身處也無試舉看
呂拍逼切蒲也
性舉丹霞問僧甚處來正是不可總汲來處也要知來處也不難僧云山下來着草鞋入你肚裏過也只是不會言中有響請舍來知他是黃是綠霞云喫飯了

也未第十杓惡水澆何以定盤星要知端的僧云喫飯了果然撞着箇露柱却被旁人穿却鼻孔元來是箇無孔鐵錘霞云將飯來與汝喫底人還具眼麼雖然倚勢欺人也是據款結案當時好撒倒禪床無端作什麼僧無語果然走不得這僧若是作家向他道與和尚眼一般長慶問保福將飯與人喫報恩有分爲什麼不具眼也只道得一半通身是遍身是一刀兩段一手擡一手擲福云施者受者二俱瞎漢據令而行一句道盡罕遇其人長慶云盡其機來還成瞎否識甚好惡猶自未肯討什麼破福云道我瞎得麼兩箇俱是草裏漢龍頭蛇尾當時待他道盡其機

求還成膳否只向他道膳也只道得一二等是作
家爲什麼前不攜後不送后

鄧州丹霞天然禪師不知何許人初習儒學將入長安
應舉方宿於逆旅忽夢白光滿室占者曰解空之祥偶
一禪客問曰仁者何往曰選宜去禪客曰選官何如選
佛霞云選佛當往何所禪客曰今江西馬大師出世是
選佛之場仁者可往遂直造江西才見馬大師以兩手
拄膝頭脚一作馬師顧視云吾非汝師南嶽石頭處去
遽抵南嶽還似前意投遞石頭云着槽廠去師禮謝入
行者堂隨衆作務凡三年石頭一日告衆云來日刻佛
殿前算至來日大衆各備鉢鉢刻草丹霞獨以盆盛水

之

官

浴頭於師前跪膝石頭見而笑之便與剃髮又爲說戒
丹霞掩耳而出便往江西再謁馬祖未幾禮便去僧堂
內騎聖僧頸而坐時太衆驚愕急報馬祖祖躬入堂視
之曰我子天然霞便下禮拜曰謝師賜法號因名天然
他古人天然如此穎脫所謂選官不如選佛也傳燈錄
中載其語句真是壁立千仞句句有與之抽釘拔鏤底
手脚似問這僧道什麼處來僧云山下來這僧却不通
來處一如具眼倒去甚主家相似當時若不是丹霞也
難爲拾丹霞却云喫飯了也未頭邊總未見得此是
第二回勘他僧云喫飯了也槽懂漢元來不會霞云將
飯與汝喫底人還具眼麼僧無語丹霞意遂與你這般

樓

祖師寶器持來成過客不唯只帶累長慶乃至西天二
十八祖此土六祖一時埋沒釋迦老子四十九年說
大藏教未後唯傳這箇寶器永嘉道不是標形虛事機
如來寶我親蹤跡若作保福見解寶器持來都成過客
過客深無處尋這箇與你說不得但去靜坐向他句中
點檢看既是過客深因什麼却無處尋此非小過也將
祖師大事了齊於陸地上平沈却所以重寶道天上人
間同陸沉

垂示云向上轉去可以穿天下入鼻孔以鵲提鳩向下
轉去自己鼻孔在別人手裏如龜藏殼箇中忽有箇出
來道本來無向上向下用轉作什麼只向伊道我也知

你向鬼窟裏作活計且道作麼生辨箇緇素良久云有
條攀條無條攀例試舉看

舉僧問雲門如何是超佛越祖之談開旱地忽雷撥
門云餬餅舌拄上畫過也

這僧問雲門如何是超佛越祖之談門云餬餅還覺寒
毛卓豎麼衲僧家問佛問祖問禪問道問向上向下了
更無可得問却致箇問端問超佛越祖之談雲門是作
家便水長船高泥多佛大便答道餬餅可謂道不虛行
功不浪施雲門復示眾云你勿可作了見人道著相語
意便問超佛越祖之談道理你且喚什麼作佛喚什麼
作祖即說超佛越祖之談便問箇出三界你把三東來

看有什麼見聞覺知隔得着麼有什麼聲色佛法與汝
可了箇什麼破以那箇爲美殊之見他古聖勿來你
何橫身爲物道箇舉體全真物物觀體不可得我何汝
道直下有什麼事早是埋沒了也會得此語便識得箇
餅王祖云驢屎比麝香一作馬糞所謂直截根源佛所印
葉尋枝我不能到這裏發得親切莫將問來問看這僧
問如何是超佛越祖之談門云餬餅還識羞慚麼還覺
漏逗麼有一般人杜撰道雲門見兔放鷹便道餬餅若
恁麼將餬餅便是超佛越祖之談見去豈有活路莫作
餬餅會又不作超佛越祖會便是活路也與麼三斤解
打鼓一般雖然只道餬餅其實難見後人多道道理云

餬餅言及細語皆歸第一義若恁麼會且去作麼主一生
贏得多知多解如今禪和子道超佛越祖之時諸佛也
踏在脚跟下祖師也踏在脚跟下所以雲門只向他道
餬餅既是餬餅豈解超佛越祖試去參詳看諸方頌極
多盡向問頭邊作言語唯雪竇頌得最好試舉看頌云
超談禪客問偏多箇箇出來便作這般見解如麻似
粟縫罅披離見也麼已在言前開也自是不覺真月
餅塑來猶不住將木楔子換却你眼睛了也至今天
下有請訛畫箇圓相云莫是恁麼會麼咬人言語有
甚了期大地茫茫慈殺人便打

超談禪客問偏多此語禪和家偏愛問不見雲門道你

諸人橫擔拄杖道我參禪學法便見箇超佛越祖道理
我且問你十二時中行住坐卧何處放身至於茅坑裏
蟲子市肆買賣羊肉案頭還有超佛越祖底道理麼這
得底出來若無莫妨我東行西行便下座有者更不識
好惡作圓相土上加泥添枷帶鎖縫罅披離見也麼他
致問處有太大小縫罅雲門見他問處披離所以將罅
餅罅縫罅塞定這僧猶自不肯住却更問是故雲竇道罅
餅罅來猶不住至今天下有諸訛如今禪和子只管去
罅餅上解會不然去超佛越祖處作道理既不在這兩
頭畢竟在什麼處三十年後待山僧換骨出來却向你
道

舉古有十六開士成羣作隊有什麼用麼這一隊不
即確漢於浴僧時隨例入浴撞着露柱漆桶作什麼
忽悟水因惡水驀頭澆諸禪德作麼生會他道妙觸
宣明更不干別人事作麼生會他撲落非他物成佛
子住天下袖僧到這裏摸索不着兩頭三面作什麼
也須亡穿八穴始得一棒一條痕莫辜負山僧好撞
着磕着還曾見德山臨濟麼

楞嚴會上跋陀婆羅菩薩與十六開士各修梵行乃各
說所證圓通法門之因此亦二十五圓通之一數也他
因浴僧時隨例入浴忽悟水自云既不洗塵亦不洗體
且道洗箇什麼若會得去中間不然得無所有千箇萬

箇更近傍不得所謂以無所得是真般若若有所得是
相似般若不見達磨謂二祖云將心來與汝安二祖云
覓心不可得這裏此字是納僧性命根本更總不消
得如許多葛藤只消道箇悟水因自然了當既不洗
塵亦不洗體且道悟箇什麼到這般田地一點也着不
得道箇佛字也須諱却他道妙觸宣明成佛子住宣則
是顯也妙觸是明也既悟妙觸成佛子住即住佛地也
如今人亦入落亦洗水也恁麼觸因甚却不悟皆被塵
境惑障粘皮着骨所以不能便惺惺去若向這裏洗亦
無所得觸亦無所得水因亦無所得且道是妙觸宣明
不是妙觸宣明若向箇裏直下見得便是妙觸宣明成

總

佛子住如人亦觸還見妙處麼妙觸非常觸與觸者
合則爲觸離則非也玄沙過嶺磕着腳指頭以至德山
棒豈不是妙觸雖然恁麼也須是七穿八穴始得若只
向身上摸索有什麼交涉你若七穿八穴去何須入落
便於一毫端上現寶王刹向微塵裏轉大法輪了處透
得千處萬處一時透莫只守一窠一窟一切處都是觀
音不理之門古人亦有聞聲悟道見色明心若一人悟
去則故是因甚十六開士同時悟去是故古人同修同
證同悟同解雪竇拈他教意今人去妙觸處會取也
教眼須免得父去教網裏籠罩半醉半醒要之直下
灑灑落落云

了事衲僧消一箇現有一箇打三千暮打八百出金剛圈一箇也不消得長連床上展脚臥果然是箇臨睡漢論說不論禪夢中曾說悟圓通早是臨睡更說夢却詐你夢見寐語作什麼香水洗來暮面唾吐土上加泥又一重莫來淨地上局

了事衲僧消一箇且道了得箇什麼事作家禪客聊聞舉着剔起便行似恁麼衲僧只消得一箇何用成羣作隊長連床上展脚卧古人道明明無悟法悟了却迷人長舒兩脚睡無偽亦無真所以習中無一事飢來喫飯困來眠雲雲意道你若說入俗悟得妙觸宣明在這般無事衲僧公上只似夢中說夢所以道夢中曾說悟圓

通香水洗暮面唾似恁麼只是惡水暮頭流更說箇什麼圓通雲雲道似這般漢正好暮頭暮面唾山僧道土上加泥又一重

垂示云大用現前不存軌則活捉生擒不勞餘力且道是什麼人曾恁麼來試舉看

於舉僧問投子一切聲是佛聲是否也解捋虎鬚青天轟轟自來不覺真投子云是賺殺一船人賣身與

你了也拈放下邊是什麼心行僧云和尚莫厭沸碗鳴聲只見錐頭利不見鑿頭方道什麼果然的缺

投子便打着好打放過則不可又問垂言及細語皆歸第一義是否第二回捋虎鬚抱贖叫屈作什麼東

西南北猶有影響在投子云云又是賣身與你了也
陷虎之機也是什麼行僧云喚和尚作一頭驢得
麼只見雖頭利不見鑿頭方雖有逆水之波只是頭
上無角含血喫人投子便打着不可放過如打拈拈
未到拈因什麼便休去

尿都木切臂也


投子利實頭得逸羣之辯凡有致問開口便見膽不費
餘力便半斷他舌頭可謂運籌帷幄之中決勝千里之
外這僧將聲色佛法見解貼在他額頭上逢人便問投
子作家來風深辨這僧知投子實頭合下做箇圈繯子
教投子入來所以有後語投子却使陷虎之機釣他後
語出來這僧接他後處道和尚莫家沸碗鳴聲果然一

釣便上若定別人則不奈這僧何投子具眼隨後便打
咬豬狗底手脚須還家始得左轉也隨他阿轉轉地
右轉也隨他阿轉轉地這僧既是做箇圈繯子要來捋
虎鬚殊不知投子更在他圈繯頭上投子便打這僧可
惜許有頭無尾當時等他拈棒便與掀倒禪床直饒投
子全機也須倒退三千里又問龐公及細語皆歸第一
義是否投子亦云是一似前頭語無異僧云喚和尚作
一頭驢得麼投子又打這僧雖然作窠窟也不妨待
若是由來木床上老漢頂門無眼也難挫折他投子有
轉身處這僧既做箇道理要擔也行市到了依舊不奈
投子老漢何不見巖頭道若論也箇箇立在轉處投

子放去太遲收來太急這僧當時若解轉身吐氣豈不
作得箇口似血盆底漢衲僧家一不做二不休這僧既
不肯返擲却被投子穿了鼻孔頌云

投子投子灼然天下無這實頭老漢教壞个家
機輪無道有什麼奈何他處也有此子放二得二換
却你眼睛什麼處見投子同彼同此恁麼來也裏棒
不恁麼來也裏棒闍黎替他便打可憐無限弄潮人
叢林中放出一箇半箇放出這兩箇漢天下衲僧恁
麼去畢竟還落潮中死可惜許爭奈出這圈纈不得
愁人莫向愁人說忽地活禪床震動驚殺山僧也倒
退三千四百川倒流開眼貼嶮徒勞佇思山僧不敢

開已投子老漢也須是押折在投始得

 古活切
水流声

投子投子機輪無阻投子尋常道你總道投子實頭忽
然下山三步有之問你道如何是投子實頭處你作麼
生抵對古人道機輪轉處作者猶迷他機輪轉轉地
全無阻闢所以雪竇道放二得二不見僧問如何是佛
投子云佛又問如何是道投子云道又問如何是禪投
子云禪又問月未圓時如何投子云吞却三箇四箇圓
後如何吐却七箇八箇投子接之常用此機答這僧云
是一箇是字這僧兩面被打所以雪竇道同彼同此四
句一時頌投子了也未後頌這僧道可憐無限弄潮人
這僧敢擡旗奪鼓道和尚莫冢泮碗鳴聲又道喚和尚

作一頭驢得麼此便是弄潮處這僧做盡伎倆依前死
在投子句中投子便打此僧便是畢竟還落潮中死雪
竇出這僧云忽然活便與掀倒禪床投子也須倒還三
千里直得百川倒流開浩浩非唯禪床震動亦乃山川
震動天地陡暗苟或箇箇如此山僧且打退鼓諸人向
什麼處安身立命

爰 逆及切 愕 逆各切

十 舉僧問趙州初生孩子還具六識也無閃電之機說
什麼初生孩子鬼子趙州云急水上打球子過也後鷄
起不及也要驗過僧復問投子急水上打球子意旨
如何也是作家同參過還曾麼過也子云念念不停
流打著藤漢

俊

此六識教家立為正本山河大地日月星辰因其所以
生來為先鋒去為殿後古人道三界唯心萬法唯識若
證佛地以六識轉為四智教家謂之改名不改體根塵
識是三前塵元不會分別勝義根能發生識識能顯色
分別即是第六意識第七識末那識能去執持世間一
切影事令人煩惱不得自由自在皆是第七識到第八
識亦謂之阿賴耶識亦謂之含藏識含藏一切善惡種
子這僧知教意故將來問趙州道初生孩子還具六識
也無初生孩子兒雖具六識眼能見耳能聞雖未嘗分別
六塵好惡長短是非得失他恁麼時總不知學道之人
要復如嬰孩榮辱功名逆情順境都動他不得眼見色

然

與盲等耳聞聲與聾等如癡似示其心不動如須彌山
這箇是衲僧家真實得力處古人道衲被蒙頭萬事休
此時山僧都不會若能如此方有少分相應雖然如此
爭奈一點也瞞他不得山依舊是山水依舊是水無造
作無緣慮如日月運於大虛未嘗暫止亦不道我有許
多名相如天普蓋似地普擎爲無心故所以長養萬物
亦不道我有許多功行天地爲無心故所以長久若有
心則有限齊得道之人亦復如是於無功用中施功用
一切違情順境皆以慈心攝受到這裏古人尚自呵責
道了了了時無可了了玄玄處直須呵又道事事通方
物物明達者聞之暗裏驚又云公聖超凡不作聲臥龍

長柳碧潭清人生若得長如此大地那能留一名然雖
恁麼更須跳出窠窟始得豈不見教中道第八不動地
菩薩以無功用智於一微塵中轉大法輪於一切時中
行住坐卧不拘得失任運流入薩婆若海衲僧家到這
裏亦不可執着但隨時自在遇茶喫茶遇飯喫飯這箇
向上事着箇定字也不得着箇不定字也不得石室善
道和尚示衆云汝不見小兒出胎時何曾道我會看教
當恁麼時亦不知有佛性義無佛性義及至長大便學
種種知解出來便道我能我解不知是客塵煩惱十六
觀行中嬰兒行爲最哆哆咄咄時喻學道之人離分別
取捨心故讚歎嬰兒可況喻取之若謂嬰兒是道今特

入錯會南泉云我十八上解任活趙州道我十八上
解破家散宅又道我在南方二十年除粥飯二時是雜
用心處曹山問僧菩薩定中聞香象渡河歷歷地出什
麼經僧云涅槃經山云定前聞定後聞僧云和尚流也
山云灘下接取又楞嚴經云湛入合湛入識邊際又楞
伽經云相生執礙想生妄想流注生則逐妄流轉若到
無功用地猶在流注相中須是出得第三流注生相方
始快活自在所以鴻山問仰山云寂子如何仰山云和
尚問他見解問他行解若問他行解某中不知若是見
解如一瓶水注一鉢水若得如此皆可以爲一方之師
趙州云急水上打球子早是轉轉轉地更向急水上打

皇帝

時時眼便過譬如楞嚴經云如急流水望爲恬靜去人
云譬如駛流水水流無定止各各不相知諸法亦如是
趙州答處意渾類此其僧又問投子急水上打球子意
旨如何子云念念不停流自然與他問處恰好古人行
履綿密答得只似一箇更不消計較你纔問他早知你
落處了也孩子六識雖然無功用爭奈念念不停如密
水流投子恁麼答可謂深辨來風雷竇頌云
六識無功伸一問有眼如盲有耳如聾明鏡當臺明
珠在掌一句道盡作家曾共辨來端何必也要辨箇
細素唯證乃知茫茫急水打球子始終一貫過也道
什麼落處不亭誰解着看趙州也灘下接取

疾音史

疾音史

六識無功伸一問古人學道蓋謂這裏謂之無功之功
與嬰兒一般雖有眼耳鼻舌身意而不能分別六塵蓋
無功用也既到這般田地便了降龍伏虎坐脫立亡如
今人但將目前萬境一時歇却何必入地以上方乃如
是雖然無功用處依舊山是山水是水雪竇前面頌云
活中有眼還同死藥忌何須鑒作家蓋爲趙州投子是
作家故云作家曾共辨來端落萍急水打毬子投子道
念念不停流諸人還知落處麼雪竇未後教人自着眼
看是故云落處不停誰解看此是雪竇活句且道落在
什麼處

佛果圓悟禪師碧巖錄卷第八

